



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Et Episcopis, Abbatibus, Prioribus, & aliis Ecclesiarum
Prælatis per Angliam constitutis.

urn:nbn:de:hbz:466:1-20020

nrum Angliae & regnum Hiberniae, adjutor ero ad tenendum & defendendum contra omnes homines pro posse meo. Sic Deus me adjuvet & haec sancta Dei evangelia. Teste me ipso apud domum militie templi juxta Doveram coram Domino Henrico Archiepiscopo Dublinensi, Domino Iohanne Episcopo Norwicensi, Galfrido filio Petri Comitis Essex. Iustitario nostro, Vvilemno Comite Sareberieni fratre nostro, Vv. Marecallo Comite Pembroe. R. Comite Bonon. Vv. Comite Vvacez, G. Comite Vvintonieni, Vv. Comite Arundell. Vv. Comitede Ferrarii, Vv. Broubert, Petro filio Heriberti, Vvarino filio Geroldi, xv. die Maij anno regni nostri xiv.

LITTERÆ REGIS ANGLIAE AD
Dominum Papam.

Epi. 78.
Super codem.
Vide infra epist. 110.

Sanctissimo Patri & Domino suo Innocentio Dei gratia summo Pontifici suus devotus & fidelis Iohannes eadem gratia Rex Angliae, Dominus Hiberniae, Dux Normaniae & Aquitaniae, & Comes Andegaviae, salutem & tam debitum quam devotum obsequium. Sancte paternitati vestre significamus quod cum magister Pandulphus pontius & familiaris vester formam pacis nobis transmissam ostendisset, nos ob reverentiam sancte Romanae Ecclesie illam admisimus sine aliqua diminutione pro voluntate vestra observandam. Ceterum inspirante gratia sancti spiritus ad perpetuam Ecclesie pacem & exaltationem regna nostra, scilicet Anglia & Hibernia, de vobis & successoribus vestris & sancta Romana Ecclesia tenenda suscepimus, annuatim vobis & successoribus vestris mille marcas reddendo, sicut ex transcripto chartæ nostræ, quam inde fecimus, pendere poteritis. Rogamus ergo sanctam paternitatem vestram quatenus de cetero nos in gratiam vestram recipere dignemini & misericorditer nobiscum agere velitis de onere nobis imposito, quod gratauerit suscepimus. Teste me ipso apud templum de Vvell. xv. die Maij.

ILLVSTRI REGI ANGLIE.

Epi. 79.
Respondebat epistola superiori.
Vide infra epist. 111.

Ei qui de malis novit eligere bona gratiarum referimus actiones quod tibi misericorditer inspiravit ut idoneè satisfacceres de damnis & injuriis Ecclesie irrogatis, cum non solùn formam satisfactionis receperis multimoda deliberatione provisam, verum etiam personam & terram tuam apostolicæ subdideris ditioni, conferendo in perpetuum jure dominij sacrosanctæ Romanae Ecclesie regna tua per ipsam & ab ipsa tenenda sub anno cenui septingentiarum marcarum de Anglia & de Hibernia trecentarum; sicut in instrumento tuo legitimè inde confecto pleniùs & expressius continetur. Quis enim te docuit, quis induxit, nisi spiritus ille divinus, qui ubi vult spirat, & nescis unde veniat aut quod vadat, dividens dona singulis prout vult, ut tam discretè, tam pie simul in unum & tibi consuleres & Ecclesie provideres? Ecce sublimius & solidius nunc ob-

Tom. II.

tines ipsa regna quam hactenus obtinueris, cum jam sacerdotale sit regnum & sacerdotium sit regale; sicut in epistola Petrus & Moyes in lege testantur. Eiaigitur, magnifice Princeps, comple promissa, & concessa confirma, ut omnipotens Deus tuum semper & rectum compleat desiderium & propositum confirmet honestum, siveque te faciat per temporalia bona transire ut non amittas sed acquiras aeterna. Nos ergo juxta tuae petitionis instantiam

Vide infra Legatum ad te de nostro latere destinamus, quasi angelum salutis & pacis, venerabilem fratrem nostrum Tusculanum Episcopum,

epist. 89.

virum Deo gratum, & acceptum hominibus, quem inter fratres nostros merito sue religionis & honestatis speciali diligimus caritate, ut in missi persona mittentis cognoscas affectum. Ipsum igitur, quem ad tuum commodum & honorem, quantum cum Deo potuit, promptum cognovimus & attentum, benignè recipias & honestè pertraçtes, ejus monitis & consiliis acquiescens; quæ si fuerint reverenter admissa, proculdubio tibi proficient & temporaliter ad quietem & aeternaliter ad salutem. Speramus autem in eo qui non vult mortem peccatoris, sed ut convertatur & vivat, quod sicut misericorditer ac mirabiliter cepit in virum alterum te mutare, sic tibi pium inspirabit devotionis affectum; ut quo vehementius contra eum sanctam Ecclesiam offendisti, eo reverentius propter ipsum sanctam Ecclesiam honorabis, cum jam in tantum processeris ut bonum principium finem optimum repromittat. Prædictus vero Legatus, qui conscientiam nostram plenè cognoscit, de nostro te beneplacito reddet certum pariter & securum; cui nos vices nostras commisimus, ut juxta verbum propheticum evellat & destruat, & edificet & planteret quæ secundum Deum evellenda & destruenda necnon edificanda cognoverit & plantanda; concessa sibi plenaria potestate ut abfque contradictione cuiuslibet universa quæ pertinent ad legationis officium efficaciter exequatur. Nos enim sententias quas rite protulerit in rebelles ratas haberi præcipimus & inviolabiliter observari. Datum Laterani rr. Non. Iulij, pontificatus nostri anno sextodecimo.

ARCHIEPISCOPO ET
Episcopis, Abbatibus, Prioribus, & aliis
Ecclesiæ Prelatis per Angliam constitutis.

Gaudere debet nobiscum in Domino Epist. 80.
& in virtutis ejus potentia glorari De eadem re,
G G g g ij & de legatio-

788 Epistolarum Innocentij III.

ne Episcopi
Tusculani.

quod post noctis tenebras & aduersitatum angustias dies serenus illuxit, & optata cœpir prosperitas arridere. Verè quidem nunc scimus quod eti quatiatur interdum Petri navicula, nunquam tamen submergitur: quoniam invalecentibus fluctibus proceliarum, & jam penè naufragio imminentे, iustorum meritis Christus ad auxilium excitatur, qui paulò ante propter quorundam dormiebat offensas. Inter alia siquidem in quibus de plenitudine gratiæ ac misericordiæ ubertate fecit nobiscum signum in bonum, is qui non vult mortem peccatoris, sed ut convertatur, & vivat illustri Regi Angliæ inspiravit ut sufficienter Ecclesia satisfaciat de damnis & injuriis irrogatis. Formam enim pacis à nobis cum multa deliberatione provisam cum magna devotione recepit, & ad eam executioni mandandam Legatum à latere nostro petit destinari. Vnde nos venerabilem fratrem nostrum Episcopum Tusculanum apostolicæ sedis Legatum, quasi pacis & salutis angelum, delfinamus, virum utique gratum Deo, & acceptum hominibus, quem inter alios fratres nostros merito suæ religionis & honestatis speciali diligimus caritate, pro certo credentes sic eum via regia incessum quod non declinabit ad dexteram vel sinistram; eique, de quo plena fiduciam obtinemus, commisimus vires nostras, ut juxta verbum propheticum evellat & destruat, ædificet & plantet quæ secundum Deum evellenda & destruenda, necnon ædificanda viderit & plantanda; plenaria sibi potestate concessa ut absque contradictione cuiuslibet ea quæ pertinent ad legationis officium exequatur. Laudem igitur dicite Domino Deo nostro, qui bona de malis eliciens, fecit cum tentatione proventum, & cum humilitate suscepit prospera, qui cum fortitudine sustinuit adversa; prædictumque Legatum recipiat benigne ac honeste tractetis; quia cum nos recipiamur in ipso, in millo notabimus devotionis affectum quem geritis ad intentem. Ipsius ergo monitis & mandatis humiliter intendentes, tales vos erga eum exhibere curetis quod non solum eidem, sed etiam nobis esse possit acceptum; scientes quod cum ei plena legationis officium commiserimus, sententias quas rite protulerit in rebelles, ratas haberi præcipimus & inviolabiliter observari. Datum Laterani 111. Non. Iulij, pontificatus nostri anno sextodecimo.

CANTVARIENSI ARCHIEPISCOPO
S. R. E. Cardinali & coepiscopis suis.

Epif. 81.
De calce 22.
Ei qui non vult mortem peccatoris, sed ut convertatur & vivat, devotas gratiarum referimus actiones quod ipse Johanni Regi Anglia misericorditer inspiravit ut formam pacis à nobis cum multa deliberatione dispositam devotè reciperet, sicut per suas nobis litteras intimavit, humiliter postulans ad eam executioni mandandam idoneum à latere nostro delfinari Legatum. Ut autem in missi persona mittentis cognoscatis affectum, ecce nos mores verbi vestri, mittimus quasi angelum salutis & pacis, virum Deo gratum, & acceptum hominibus, videlicet venerabilem fratrem nostrum Tusculanum Episcopum apostolicæ sedis Legatum, quem inter fratres nostros merito suæ religionis & honestatis speciali diligimus caritate, pro certo credentes quod ipse via regia sic incedet quod non declinabit ad dexteram vel sinistram. Cum igitur bonum pacis tam regno quam sacerdotio sit maximè necessarium, fraternitatem vestram rogandum duximus & monendam, per apostolica vobis scripta mandantes quatenus ad illud efficaciter promovendum exhibeatis vos promptos per omnia & paratos, nihil ingenerentes difficultatis aut moræ propter quod hujusmodi bonum impediri valeat vel differri. Nos enim ad justitiam & libertatem ecclesiasticam conservandā prompto semper & pia animo intendemus; ut qui pugnam exercuere legitimam, palmam consequantur optatam. Vos ergo prædicti Legati monitis & mandatis humiliter intendentes, tales vos erga eum exhibere cureris quod ad vestrum commodum & honorem merito debeat aspirare, scientes quod cum ei plena legationis officium commiserimus, sententias quas rite protulerit in rebelles, ratas haberi præcipimus & inviolabiliter observari. Vos denique fratres Archiepiscopi & Episcopi &c. Datum Laterani 111. Non. Iulij, pontificatus nostri anno sextodecimo.

COMITIBVS, BARONIBVS,
alijisque magnatibus per Angliam constitutis.

Epif. 81.
Ejusdem argumentum cum lumenoribus.
Qvanto specialius regnum Angliæ ad Romanam Ecclesiam dinoscitur pertinere, tanto ferventius aspiramus ut per nostræ sollicitudinis studium grata prospexitate latetur. Cum igitur ad reconciliacionem Regis ac regni venerabilem fratrem nostrum Tusculanum Episcopum apostoli-